

安井息軒先生著

左傳輯釋

春風館藏板



左傳輯釋序

自崑山顧亭林處士以窮經學古為天下倡士之
能談經術以自通於後者不可勝數其尤著者則
蒼萃於儀徵阮文達公所彙經解一編後進英彥
蒸蒸嚮風即遠至朝鮮琉球越南諸冠帶之國亦
各講明傳習往往有中朝人書而莫多且備於
日本日本固文獻大邦而我國家聲教之溥沈
潛匝洽外薄四海此亦其一端也今夏日本使臣

門 伊 12
209
卷



外務大丞柳原公銜其朝命來至天津出新集
左傳輯釋一書俾不佞為之序蓋其國宿儒安
井仲平先生書也竇時前歲曾見所著管子纂
詁僭為揆序今更不敢固辭竊本韓昌黎挂名
經端之意述其小知淺見以復於柳原公而藉以
質諸先生夫左傳之有功於春秋大矣劉知幾謂
其皆據周典能成不刊之書著將來之法又謂其
躬為魯史博總羣書廣色它國每事皆詳又

謂其上詢夫子下訪同門凡所採摭實廣聞見又
美其實錄曰善惡必彰真偽盡露又美其序事
曰著述罕聞古今卓絕稱左氏之善備焉賈復
作注專於元凱劉光伯為規過而不詳孔冲遠
為正義而始定於是陳止齋為章指趙東山為
補注其後邵之泉有左觴陸子餘有附注傅士凱
有屬事國初顧亭林又據邵陸傳之書為杜
解補正自此揆述益多而惠松屋之補注沈冠雲

之小疏陳芳林之考證王文簡公之述聞焦里堂
之補疏為最皆左傳一家之學也仲平先生既
全錄杜注而擇取諸說之至當者附之又間以己國
人中井履軒之說益之至其所自為說尤精審不
苟如論歷法則為服氏歲星起辰之說甚精杜氏
長歷多無稽其言日月誤者皆不足取襄九年
閏月不當改門五日照二十一年言分同道至相遇
知古人之明見日食之理桓三年杜說月食不知張平

子地影之義致後世謂古歷不若西術論地理則
謂齊中池有二一在海隅一在申門外晉中年非鄭
中年商衛之魯地名非宋衛鄭臧鄔大夫之鄔當
作鄔論制度名物訓詁則謂丞常禘於廟為喪畢
之祭廟祧當從鄭康成聘禮祭法注後儒不能通其
意爰田為換井田之法丘甲為被甲之甲不當作士卒
解廬井有伍為五井相保策命諸侯內史述命為
東遷後褒禮諸侯之卿皆命於其君為春秋之制

惟晉命士會特請於王魯始為羔乃一人執羔非正
禮天子一圻列國一同乃據殷法不得以此疑周禮為
偽書十時當十位以為古分一晝夜為十時至漢哀
帝始為十二時懿伯之忌、訕怒必非忌日子尾抽桶
桶訕槌其下廟桶異凡此類數十百處蓋皆得其實
要確有發明初非輕排舊注以其前人立異若夫
惡曹之盟傳有宋字為衍文昭三年趙文子引君子曰
君為誤字襄十四年使子行於孫子當依別本行下

有請字此先生讀傳之細也成十六年注閒猶近、
當從別本作與襄二十七年注齊魯宋下脫樹字昭
二十年注皆死而賜謚死上不當增宋字此先生校注
之勤也謂五十凡或依先王之典或出仲尼新意謂春
秋舉先王大法以正天下但就一事舉重而斷未嘗
較它日之是非得失故傳或引禮或直以序事釋之
隱元年文十七年昭十一年屢明斯旨謂左氏釋經
每寓於序事中而先儒多未喻謂執術侯在公朝上